

Wer auch der gute erbare Mann (den Wolfius im Latin Albertus Echth/ Eisen/Pomeranus aber im teutschen Albertum à V Vesten nennet/ dieweil er vielleicht zweyerley zunahmen gehabt hat / wie noch vielen gemein ist) gewesen sey/der sie geprophecehet habe? kan man auß seinen stessinnigen vnd recht prophetischen arten zu reden/welche auch mit H. Schrift vber ein kommen/wol abnehmen/das er kein geringer einfältiger Idiot, sondern ein guter Theol. vñ vielleicht etwan ein Canonicus, oder sonst eine geistliche Ordensperson zur selben zeit gewesen/wie dann vmb/ (vor vnd nach denselben ziten/ Gott der H. Erz vor 300. Jahren vnd mitten vnter dem Pabstum/ solches Samens vnd vbergeblieben heiliger frommer leut noch etliche wunderbarlich erhalten/ ober welche er laut seiner verhaffung Joel. 2. seinen geist außgegossen/ dz sie geweissaget/ träume gehabt/ vnd gesichte gesehen/ vnter welchen auch damals gelebet haben/ Joachimus Abbas, S Hildegardis, Simon de Cassia, Johannes de Rupe scissa, vnd viel andre/ deren etliche in onere Ecclesiastico allegirt werde die alle mit prophetischem geist begabet gewesen/ vnd viel zukünfftige dinge / die sich eines theils bey vnsern ziten zugetragen/ vnd noch zu tragen/ geweissaget haben / sind aber da über von der gottlosen welt vntergedrucket worden/ so wol als der bey selbigen ziten regierende löbl. Kays. Ludovicus Bavarus selber/ vom Pabst Johanne XXII. vnd Clemente VI. grosse gewalt vnd vnterdrukung erleiden müssen/ welchen dannoch Marsilius Patavinus, Dantes Alligerius, Florentinus Poëta, V Vilhelmus Occam vñ andere fürrestliche gelächten in der z. te statlich verantwortet haben/ deren Schrifften noch vorhanden seyn.

Über dieses Vaticinium vnd weissagung nun/ als ich Anno 1632. wie alle meine benachbarte Lehrer vnd zuhörer/ mit vielen kriegslasten beschwert war/ vnd ich die Erfüllung desselbigen selber thätlich empfindende bey mir betra. H. etc/ hab ich eine augenscheinliche erkärung drüber/ die mit dem wort Gottes/ vnd der täglich erfahrung vber einstimmet/ gestellet/ vnd dabey vrsach genommen/ Ampis vnd gewissenhalber als ein Prediger/ Christ/ vnd Patriot, mit ine liebe deutsche Landesleut vnd Luthersche Glaubensgenossen zur herzlichern Buß/ vnd abschaffung der gemeinsten sündengrewel / vmb deren willen vns hohe vnd niedrige gelehrte vnd vngelerete/ (den wir alle Holz zu diesem feuer getragen/) Gott der H. Erzolangwiltig iest schafft/ zu bitten vnd anzumahnen/ vnd solches büchlein auß Esa. 58. Joel. 2. Erwehliche Bußposaune genennet. Zwar ich bekenne selber/ noch 1630/ wie vorhin/ meine trägheit/ als ich diese weissagung das erste mal zu lesen bekommen/ hab ich solche damals eben so wenig geachtet vnd verstanden/ als sie noch jetzt jemand achten vñ verstehen mag/ biß so lang ich mich derselben bey jetzigem erkärmlichen zustand vnser teutschen vatterl. da mich solches auch betroffen/ widerum erinnert/ sie herfür gesucht/